



ル 6
2529
29



門名  
號2529  
卷49-29

吉林通志卷七十二

人物志一 唐 遼

李謹行

李多祚

大門藝 以上 唐

黃翹 遼

李謹行靺鞨人父突地稽 新唐書 靺鞨之長也大業中

與兄瞞咄 冊府元龜 率其屬千餘內附 新唐書 處之營州瞞

咄卒代總其眾 冊府元龜 拜右光祿大夫 隋書 遼西太守 新唐書

書 封扶餘侯 冊府元龜 與邊人往來悅中國風俗請被冠

帶帝嘉之賜以錦綺而褒寵之及遼東之役率其徒

以從每有戰功賞賜優厚十三年從帝幸江都 隋書 屬

宇文化及之亂仍歸柳城册府元龜在途遇李密之亂密

遣兵邀之前後十餘戰僅而得免至高陽復沒於王

須拔未幾遁歸羅藝隋書劉黑闥叛新唐書突地稽率所

部赴定州舊唐書上書秦王請節度以戰功封耆國公

新唐書又徙其部落於幽州之昌平城舊唐書高開道以

突厥兵攻幽州突地稽邀擊敗之貞觀初進右衛將

軍賜氏李卒謹行偉容貌新唐書武力絕人麟德中累

遷營州都督舊唐書家童至數千以資自雄夷人畏之

新唐書累拜為領軍大將軍為積石道經略大使吐蕃

論欽陵等眾十萬寇湟中新唐書謹行兵士採樵素不

設備舊唐書聞虜至卽植旗伐鼓開門以伺新唐書吐蕃

疑有伏兵竟不敢進上元三年又破吐蕃數萬於青

海舊唐書璽書勞勉新唐書累授右衛大將軍封燕國公

永淳元年卒舊唐書贈幽州都督陪葬乾陵新唐書

李多祚代為鞞鞞酋長舊唐書號黃頭都督後入中國

至多祚驍勇善射新唐書意氣感激少以軍功舊唐書累

遷右鷹揚大將軍討黑水鞞鞞誘其渠長置酒高會

因醉斬之擊破其眾室韋及孫萬榮之叛多祚以諸

將進討以勞改新唐書右羽林軍大將軍前後掌禁兵

北門宿衛二十餘年神龍初張柬之將誅張易之兄

弟舊唐書以多祚素感慨可動以義乃從容謂曰新唐書

將軍在北門幾年日三十年矣舊唐書將軍擊鐘鼎食

貴重當代非大帝恩乎多祚泣數行下曰死且不忘

束之曰新唐書將軍既感大帝殊澤能有報乎舊唐書今

在東宮乃大帝之子而嬖豎擅朝危偪宗社國家廢

興在將軍新唐書將軍誠能報恩正屬今日多祚曰舊唐書

苟援王室惟公所使續通志終不顧妻子性命因即

引天地神祇為要誓詞氣感動義形於色舊唐書束之

遂定謀以敬暉李湛為右羽林將軍命總禁兵多祚

王同皎請太子至元武門斬關入及長生殿白武后

曰諸將誅逆臣易之昌宗恐漏大謀不敢預奏頓首

請歸死后病卧顧湛曰我於爾父子不薄亦豫是耶

中宗復位封多祚新唐書遼陽郡王食實封八百戶續按

通志作五百戶仍拜其子承訓為衛尉少卿舊唐書帝

祠太廟特詔多祚與相王登輿夾侍監察御史王覲

謂多祚夷人雖有功不宜共輿輦帝曰朕推以心腹

卿勿復言崔元暉等得罪多祚畏禍及故陽厚韋氏

新唐書節愍太子之殺武三思也多祚與羽林大將軍

李千里等率兵以從太子命多祚先至元武樓下舊唐書

具言所以誅三思狀案兵不戰新唐書時有宮闈令

楊思勛於樓上侍帝舊唐書即挺刀斬其壻羽林中郎

將野呼利兵因沮潰多祚為其下所殺二子亦見害

籍沒其家新唐書睿宗即位下制日以忠報國典冊所

稱感義捐軀名節斯在故右羽林大將軍上柱國遼

陽郡王李多祚三韓貴種百戰餘雄席寵禁營迺心

王室仗茲誠信翻陷誅夷賴彼神明重清奸慝永言

徽烈深合褒崇宜追沒後之榮以復生前之命可還

舊官仍宥其妻子舊唐書

大門藝渤海王大武藝母弟也開元十四年本舊唐書黑

水靺鞨遣使來朝舊唐書帝以其地建黑水州置長史

臨總武藝召其下謀曰黑水始假道於我與唐通異

時請吐屯於突厥皆先告我新唐書今不計會即請漢

官必是與唐家通謀腹背攻我也舊唐書乃遣弟門藝

及舅任雅相按舊唐書及文獻通考皆作任雅發兵擊黑水新唐書門

藝曾充質子至京師開元初還國舊唐書謂武藝曰黑

水請吏而我擊之是背唐也唐大國兵萬倍我與之

產怨我且亡新唐書昔高麗全盛時強兵三十餘萬舊唐書

抗唐為敵可謂雄彊新唐書唐兵一臨掃地俱盡舊唐書

今我眾比高麗三之一王將違之不可武藝不從

新唐書門藝兵至境又上書固諫舊唐書武藝怒遣從兄

壹夏代將召門藝將殺之門藝懼僂路新唐書遂棄其

眾間道來奔舊唐書詔拜左驍衛將軍新唐書武藝上表

極言門藝罪狀請殺之舊唐書有詔處之安西好報曰

門藝窮來歸我誼不可殺新唐書今流向嶺南舊唐書已

投之惡死地文獻通考乃留其使馬文軌葱勿雅舊唐書不

遣別詔鴻臚少卿李道邃源復諭旨新唐書俄有洩其

事者武藝又上書云大國示人以信豈有欺妄之理

今聞門藝不向嶺南請依前殺卻舊唐書帝怒道邃復

漏言國事皆左除而陽斥門藝以報後十年舊書作

武藝遣大將張文休率海賊攻登州新唐書詔門藝往

幽州發兵以討之舊唐書使太僕卿金按通考思蘭使

新羅督兵攻其南會大寒雪表丈士凍死過半無功

而還新唐書武藝懷怨不已密遣使至東都假刺客刺

門藝於天津橋南舊唐書門藝格之得不死河南捕刺

客悉殺之新唐書

黃翩黃龍府人以本紀十七延琳召黃龍府黃翩者知之太平六年為兵

馬都部署與副達庫濟都監霍實引軍城混同江蘇

默水之閒又引軍入女直界徇地俘獲人馬牛豕不

可勝計降戶二百七十詔獎諭之九年大延琳叛遣

使召之翩至行在告變據本紀

人物志二 金一

伯赫 和諾克 薩克達 烏春

温都布拉 拉必 瑪察

通恩 塔克

阿蘇 錫馨

準塔等

伯赫 原作昭祖次室達呼默 烏蘇展 原作薩扎部

人生 金史烏及同母弟二人 赫本傳 伯勒赫 原作僕

斡里雅 威順皇 自幼時每相爭攘飲食昭祖見

而惡之曰吾娶此妾而生子如此後必為子孫之患  
世祖初立伯赫果有異志誘和諾克原作桓赫薩克達原作  
散烏春烏木罕原作竊謀罕離間部屬使貳於世祖世祖  
加意事之使為貝勒而不使典兵伯赫既與和諾克  
烏春謀計國人皆知之而童謠有欲生則附於伯赫  
欲死則附於和哩布原作勃里鉢頗拉淑原作頗刺淑之語伯  
傳世祖聞之疑焉無以察之乃作為具裝欲有所往  
者陰遣人揚言曰寇至矣部眾聞者莫知虛實有保  
於伯赫之室者有保於世祖之室者世祖乃盡得兄  
弟部屬向背彼此之情矣本紀未幾烏春和諾克相次

以兵來攻世祖外禦強兵內畏伯赫之變將行聞伯  
赫食於其愛妾之父家肉脹咽而死伯赫本傳適烏春遇  
雨歸故世祖得並力於和諾克薩克達一戰敗之烏春傳  
和諾克薩克達兄弟者國相雅達之子也居完顏  
部伊敦原作邑屯村雅達稱國相不知其所從來景祖嘗  
以幣與馬求國相於雅達許之景祖得之以命肅宗  
後薩哈原作撒改亦居是官焉和諾克薩克達嘗事景祖  
世祖金史和諾克本傳亦與伯赫相結本紀由是頗貳於世祖  
烏春昭肅皇后往伊敦村世祖肅宗皆從行和諾克本傳  
會和諾克薩克達偕來是時已有隙被酒語相侵舉



刃相向后起兩執其手謂和諾克薩克達曰汝等皆  
吾夫時舊人奈何一旦遽忘吾夫之恩而與小兒子  
輩忿爭乎因自作歌本紀解之乃止自是謀益甚是時  
烏春詭以鄂伯台賣甲為兵端世祖不得已和諾克  
本傳  
還其甲本紀而與之和閒數年烏春以其眾涉和掄原  
作  
活論拉林二水世祖親往拒之和諾克薩克達並起兵  
和諾克  
本傳當是時烏春兵在北和諾克兵在南其勢甚  
盛本紀肅宗以偏師拒和諾克薩克達世祖畏其合勢  
也戒之曰可和則和否則戰至烏嚕斯哈珠原作幹  
魯紺出  
水既陳成列肅宗遣富德原作  
益德貝勒議和和諾克亦

恃烏春之在北也無和意富德報肅宗曰敵欲戰或  
曰戰地迫近村墟雖勝不能盡敵宜退軍誘之寬地  
肅宗惑之令軍少却未成列和諾克薩克達乘之肅  
宗敗焉和諾克乘勝鈔略是役也本傳十月己半大雨  
累晝夜冰漸覆地烏春不能進乃悔曰此天也引兵  
去本紀世祖聞肅宗敗自將經舍琿原作  
舍很特克兩水取  
和諾克薩克達之家和諾克薩克達不知也本傳明日  
大霧晦冥失道至摩多圖原作婆  
多吐水乃覺即還至舍  
琿特克之間升高阜望見六騎來大呼馳擊之世祖  
射一人斃生獲五人問之則布呼原作  
布灰薩克蘇原作  
撒骨

出使助和諾克薩克達者也世祖至和諾克薩克達

所居焚其家殺百許人舊將主保亦死之比世祖還

紀本未至軍傳本肅宗兵又敗紀本世祖至責讓肅宗失利

之狀使罕都原作歡都伊克以本部七穆昆助之復請和

傳本和諾克薩克達日以爾英格原作盈歌之大赤馬希卜

蘇原作習不失之紫騮馬與我則和二馬皆女直名

馬不許紀本遂與博都哩原作不尤魯部布呼富察部薩克

蘇及混同江左右布克坦原作匹古敦水諸部兵皆會厚

集為陳鳴鼓作氣馳騁和諾克恃其眾有必勝之心

下令曰今天門開矣以爾車自隨凡烏古原作鳥古迺

夫婦寶貨財產悉爾取之有不從者俘略之而去於

是摩多圖原作波多吐水費摩部鄂博原作幹不貝勒附於世

祖和諾克等縱火焚之鄂博死世祖厚撫其家既定

和諾克乃以舊地還之和諾克軍復來本傳富察部沙

津原作沙祗貝勒呼卜圖原作胡補答貝勒使愛實原作阿喜來告

難紀本且問曰寇將至何以待之本傳世祖使之詭從以

自全曰戰則以旗鼓自別紀本每有兵至則輒遣愛實

穿林潛來令與拜察往還大道即故潛行林中路也

和諾克至北隘旬世祖將出兵本傳往禦乃遣肅宗求

援於遼紀本世祖沿按春水原作安出虎行本傳使希卜蘇取

海古勒原作海姑兄弟兵則海古勒兄弟已貳於和諾克

矣本紀欲併取海古勒珠勒蘇原作海故貝勒之眾而

後戰本傳偵者報曰敵已至本紀將戰世祖戒希卜蘇曰

汝先設陳於托果原作脫原待吾三揚旗三鳴鼓即

棄旗決戰死生惟在今日使費摩呼實原作裴牽大

紫騮馬以為貳馬疾馳至陣時和諾克薩克達軍盛

強世祖軍吏未戰而懼皆植立無人色世祖揚揚如

平常亦無責讓之言但令士卒解甲少憇以水決面

調麩水飲之有頃訓勵之軍勢復振本紀是時肅宗求

救於遼不在軍中世祖屏人獨與穆宗私語本傳曰今

日之事若勝則已萬一有不勝吾必無生汝今介馬

遙觀勿預戰事若我死汝無收吾骨勿顧戀親戚亟

馳馬告知汝兄頗拉淑於遼繫籍受印乞師以報此

讐語畢袒袖不被甲以縕袍垂欄護前後心韞弓提

劍三揚旗三鳴鼓棄旗搏戰身為軍鋒突入敵陳眾

從之本紀和諾克步軍以干盾進世祖之眾以長槍擊

之步軍大敗希卜蘇從後奮擊之和諾克之騎兵亦

敗本傳希卜蘇所乘馬中九矢不能馳遂棄之陳中步

趨而出馬亦隨歸論功居多宏簡錄希世祖乘勝逐

北本傳自安巴彎原作阿至於北隘旬死者如仆麻摩

多圖水爲之赤棄車甲馬牛軍實盡獲之世祖曰今日之捷非天不能及此亦可以知足矣雖縱之去敗軍之氣沒世不振乃引軍還本紀以戰勝告於天地殞所獲於將士各以功爲差本傳視其戰地馳突成大路闊三十隴手殺九人自相重積人皆異之和諾克薩克達自此不復能聚各以其屬來降遼大安七年也初和諾克兄弟之變博都哩部布呼富察部薩克蘇助之至是本紀布呼猶保撒阿辣村招之不出薩克蘇據烏嚕斯哈珠村世祖遣人與之議和薩克蘇謾言爲戲答之曰我本欲和壯士巴特瑪原作巴不肯和的懣

泣而謂我曰若果與和則美衣肥羊不可復得是以不敢從命遂縱兵俘略鄰近村墅有人從道旁射之中口死布呼之屬曰舒嚕舒嚕之母嫁於圖們部達爾歡原作達貝勒而爲之妾達爾歡與族兄弟茂賽原作抹音原引貝勒俱事世祖世祖欲閒舒嚕於布呼謂達爾歡曰汝之事我不如茂賽音之堅固也蓋謂舒嚕母子一彼焉一此焉以此撼舒嚕舒嚕聞之遂殺布呼而降始舒嚕通於布呼之妾常懼得罪及聞世祖言惑之使告於達爾歡曰將殺布呼而來汝待我於江伺布呼睡熟剗刃於胸而殺之追者急白日露

鼻匿水中逮夜至江方遊以濟達爾歡使人待之乃得免久之醉後而與達爾歡很爭達爾歡殺之

金史和諾

克本傳

烏春阿卜薩原作阿跋斯水温都部人以鍛鐵為業因歲

歉策杖負擔與其族屬來歸景祖與之處以本業自

給既而知其果敢善斷命為本部長乃遣族人富德

送歸舊部富德烏春之甥也世祖初嗣節度使叔父

伯赫原作跋黑陰懷覬覦閒誘和諾克薩克達及烏春烏

本罕原作窩謀罕等金史本傳欲為亂和諾克傳烏春以伯赫居肘

腋為變信之由是頗貳於世祖而虐用其部人部人

訴於世祖世祖使人讓之曰吾父信任汝以汝為部

長今人告汝有實狀殺無罪人聽訟不平自今不得

復爾為也烏春曰吾與汝父等舊人汝為長能幾日

于汝何事世祖內畏伯赫恐羣朋為變故曲意懷撫

而欲以婚姻結其歡心使與約姻烏春不欲笑曰狗

彘之子同處豈能生育呼爾哈與女直豈可為親也

烏春欲發兵而世祖待之善無以為端瓜爾佳部鄂

博台原作烏不屯亦鐵工也以被甲九十來售烏春聞之

使人來讓曰甲吾甲也拉林水以南布克坦水以北

皆吾土也何敢輒取吾甲其亟以歸我世祖曰彼以

甲來售吾與直而售之烏春曰汝不肯與吾甲而為  
和解則使汝叔之子色克及色埒來色克蓋伯赫之  
子也世祖度其意非真肯議和者將以有為也不欲  
遣眾固請曰不遣則必用兵不得已遣之謂色埒曰  
色克無害彼且執汝矣半途辭疾勿往既行色埒曰  
我疾作將止不往色克曰吾亦不能獨往矣同行者  
強之使行既見烏春烏春與色克厚為禮而果執色  
埒曰得甲則生否則殺汝世祖與之甲色埒乃得歸  
本傳色埒烏雅部達希布原作達之子也埒克烏春自  
此益無所憚後數年烏春舉兵來戰道色辰原作嶺

和掄拉林水舍於珠格部阿勒哈原作阿村卓巴納

原作漾貝勒家本傳而以兵圍其弟雙寬原作於伯赫

胡不村時十月已半大雨累晝夜冰漸覆地烏春不

能進乃悔曰此天也引兵去本紀於是和諾克薩克達

亦舉兵世祖自拒烏春而使肅宗拒和諾克烏春遇

雨歸適叔父伯赫亦死故世祖得並力於和諾克薩

克達一戰敗之本傳景祖時沃埒原作部人博諾原作

來屬及是有他志本紀徙於納巴克坦原作南村本傳會

其家失火本紀遂以縱火誣罕都原作歡都欲因此除去之

世祖獲博諾釋其罪博諾終不自安徙居圖庫原作吐窟

村與烏春烏木罕結約烏春舉兵度嶺世祖駐軍温

闕原作闕村待之本傳和諾克之戰部人賽堪原作賽罕死之

其弟和掄原作活羅陰懷忿怨一日忽以劍脊置肅宗項

上曰吾兄為汝輩死矣到汝以償則如之何久之因

其兄極至遂怒而攻希卜蘇原作習希卜蘇走避之

攻肅宗於家矢著次室之裙著於門扉復攻罕都罕

都衷甲拒於室中既不能入持其門旃而去往附博

諾博諾誘烏春兵度嶺世祖與遇於蘇蘇原作蘇素海甸

紀本傳兩皆陳將戰世祖曰予昔有異夢今不得親戰

若左軍中有力戰者則大功成矣命肅宗及色埒默

原作斜列希卜蘇與之戰肅宗下馬名呼世祖復自呼其

名而言曰若天助我當為眾部長則今日之事神祇

監之語畢再拜遂炷火束縕頃之大風自後起火益

熾本紀時八月野草尚青火盡燎煙燄漲天烏春兵在

下風肅宗自上風擊之烏春大敗本傳遂獲博諾囚而

獻之遼本紀而城蘇蘇海甸以據之本傳並獲和掄肅宗

釋其罪左右任使之後竟得其力焉本紀赫舍哩拉必

瑪察原作醅麻產與世祖戰於野鵲水世祖中四創軍敗

拉必使吉遜原作舊賊圖罕原作秃罕等過青嶺見烏春賂諸

部與之交結拉必瑪察求助於烏春烏春以古哩甸

兵百十七人助之世祖擒拉必獻於遼主並言烏春

助兵之狀乃以不修鷹道罪之遼主使人至烏春問

狀烏春懼乃為譟言以告曰未嘗與拉必為助也德

里石原作德鄰石之北古哩甸所管不及此拉必既敗世

祖盡得烏春古哩甸助兵一百十七人使其卒長烏

新原作幹善烏爾圖原作幹脫往招其眾繼遣薩布原作斜鉢貝勒

撫定之薩布不能撫本傳富察部古實巴克實等誘其

眾入城陷三百餘人罕都傳世祖治鷹道還色埒默來

告乃使罕都為都統本傳往治薩布失軍之狀盡解薩

布所將軍大破烏春烏木罕於實都罕都傳古實巴克

實皆就擒世祖自將過沃濟原作烏紀嶺至烏木罕原作窩謀

罕村和掄瓜爾佳部雙寬貝勒烏雅部富哲固納原作

郭郭請分一軍由所部伐烏春蓋所部與烏春近欲自

蔽故也乃使色埒默雅爾盤原作躍盤以支軍道其所居

世祖自將大軍與罕都合至阿卜薩水嶺東諸部皆

會實圖美亦以所部兵來是時烏春前死烏木罕聞

知世祖來伐訴於遼人乞與和解使者已至其家世

祖使烏凌阿果多歡原作德黑貝勒往受所遣亡者烏

木罕以三百騎乘懈來攻世祖敗之遼使惡其無信

不復為主和乃進軍圍之本傳太祖年二十三被短甲



免胄不介馬行圍號令諸軍城中望而識之壯士托

雲原作太峪乘駿馬持槍出城馳刺太祖太祖不及備舅

氏和爾和原作臘活馳出其間擊之雲槍折刺中其馬

托雲僅以身免本紀色埒默至色辰水用固納計取先

在烏春軍者二十二入烏春覺之殺二人餘二十人

皆得之益以土軍來助烏木罕自知不敵乃遁去遂

克其城盡以資產分賚軍中以功為次諸部皆安輯

焉本傳城始破議渠長生殺眾皆長跪遼使者在座忽

一人佩長刀突前咫尺謂世祖曰勿殺我遼使及左

右皆走匿世祖色不少動執其人之手語之曰吾不

殺汝也於是罰左右匿者曰汝等何敢失次耶罰既

已乃徐使執突前者殺之其膽勇鎮物如此本紀穆宗

他日錫赫特傳常嘉固納功後以色埒默之女守甯妻其

子呼爾罕烏春之後為温都氏裔孫曰布拉金史本傳

温都布拉原作温敦蒲刺始居長白山阿布織原作阿不幸河徙

隆州額勒敏河布拉初從希尹征伐攝明安穆昆事

遇賊突出力擊敗之手殺二十餘人用是擢修武校

尉天德初充護衛遷宿直將軍與眾護衛射遠皆莫

能及海陵以玉鞍銜賞之往海蘭路選可充護衛者

使還稱旨遷伊囉幹羣牧使改遼州刺史正隆伐宋

召爲武翼軍副都總管將兵二千至汝州南遇宋兵

二萬餘邀擊敗之手殺將士十餘人是時嵩汝兩州

百姓多逃去布拉招集使之復其業改莫州刺史徵

爲太子左衛率府率再遷隴州防禦使歷鎮西呼爾

哈顯德軍節度使致仕卒

金史本傳

拉必原作臘醅瑪察原作麻產兄弟者哈勒琿原作活刺渾水赫林

原作訶鄰鄉赫舍哩原作石烈部人兄弟七人素有聲名人

推服之金史本傳及和諾克薩克達烏春烏木罕錫馨父

子作難本傳降附諸部皆有離心塔克相繼爲變罕都

拉必兄弟乘此際結屯原作陶温水之民勢寢不可制其

同里中有避之者徙於必罕村野居女直中拉必怒

將攻之乃約烏庫哩原作古論部薩喇原作騷臘貝勒富哲

達蘭呼寶默原作什滿貝勒和羅原作海羅貝勒温綽歡本

與之相結罕都達蘭者貞惠皇后之弟也與拉必瑪

察哈罕都貝勒和羅温綽歡間使人告野居女直野

居女直有備拉必等敗歸乃由南路復襲野居女直

勝之俘略甚眾和羅温綽歡呼寶默畏拉必求援於

世祖色埒默以輕兵邀拉必等於特默圖原作睦吐村

敗之盡得所俘拉必瑪察驅掠拉林水牧馬世祖至

混同江與穆宗分軍世祖自圖古勒原作古魯津倍道

兼行馬多乏皆留之路旁從五六十騎遇拉必於野  
鵠水日已曠拉必兵眾世祖兵少本罕都入敵陳麄  
擊之左右出入者數四罕都馬中創死者十數世祖  
突陳力戰中四創不能軍本乃止罕都穆宗自領圖  
瑋原作庵津渡江遇敵於巴喇密特原作蒲水敵問  
爲誰應曰罕都問者射穆宗矢著於弓箠是歲拉必  
瑪察使其徒吉遜原作舊賊圖罕原作秃罕及托迪原作施朵剽取  
拉布原作魯不灤牧馬四百及富哲尼堪之馬合七百  
餘匹過青嶺東與烏春烏木罕交結世祖自將伐之  
拉必等僞降還軍拉必復求於烏春烏木罕烏木罕

以古哩甸兵百有十七人助之據穆稜原作暮稜水保固

守險錫馨子頗克綽歡往從之世祖率兵圍之克其

軍瑪察遜去遂擒拉必及頗克綽歡獻之遼盡獲其

兵使其卒長烏新原作幹善烏爾圖原作幹脫招其眾俾薩布

撫定之復使鄂蘭哈瑪爾察穆稜水人情募兵與薩

布合本傳本紀本肅宗襲節度使瑪察據哲克依

屋原作直鑿水繕完營堡誘納亡命杜絕往來者恃屯水

民爲之助招之不聽乃使康宗伐之是歲白山混同

江大溢水與岸齊康宗自阿林岡乘舟至於刷水原作

水師舍舟沿刷水而進本傳本太祖以別軍取瑪察家屬錡

釜無遺本紀康宗圍瑪察急太祖來會軍於是瑪察先  
亡在外其人乘夜突圍遁去太祖曰瑪察之家蕩盡  
矣走將安歸追之瑪察不知太祖急求已也與三騎  
來伺軍其一人墜馬下太祖識之問狀其人曰我隨  
瑪察來伺軍彼走者二人瑪察在焉瑪察與其人分  
道走太祖命呼嚕古追東走者而自追西走者至哲  
克依水失瑪察不見急追之得遺甲在地迹而往前  
至大澤濱淖瑪察棄馬入萑葦太祖亦棄馬追及之  
與之挑戰烏庫哩壯士和爾和乘馬來問曰此何人  
也太祖初不識瑪察佯應曰瑪察也和爾和曰今已

追及此人也遂下馬援槍進戰瑪察連射和爾和  
爾和中二矢不能戰有頃軍至圍之罕都射中瑪察  
首遂擒之無有識之者和爾和乃前扶其首而視之  
見其齒豁曰真瑪察也瑪察張目曰公等事定矣遂  
殺之金史本傳獻馘於遼屯水民來附遼使太祖為詳袞  
原作仍命穆宗希卜蘇罕都皆為詳袞二年癸酉遣  
太祖以偏師伐尼瑪哈原作泥龐古部刷原作水穆哩罕  
原作抹離海村伯赫布爾噶原作播立開平之自是寇賊皆息  
基業自此大矣本紀

通恩原作阿爾本特克新水赫舍哩原作石烈部人祖

日和囉奇原作劫父訥格納原作納世為其部貝勒

威準原作部人伊喇原作貝勒海罕原作海貝勒暴

其族人完塔哈原作貝勒及諸弟烏塔赫原作屋

烏都温原作抄略其家及抄略阿古爾原作阿貝

勒家侵及訥格納所部穆宗使訥格納以本部兵往

治伊喇等行至蘇伯原作蘇濱水輒募人為兵主者拒之

輒抄略其人遂攻烏庫哩部達薩塔原作敵入穆嚕

密斯罕原作迷石罕城其人來告穆宗使烏色原作

賽及伊克往問狀烏色止蘇伯水西諾木歡原作納

村訥格納止蘇伯水東烏滿村訥格納雖款伏而不

肯償所取烏色時甲戌歲十月也明年八月訥格納

遜去傳伊克等皆不欲追烏色督軍而進至巴固原作

忽嶺西茂密原作水及之大破其眾訥格納死焉烏

色撫定蘇伯水部民執訥格納之母及其妻子而歸

穆宗曰烏色年尚幼已能集事可嘉也烏色們圖瑛

都訥原作實圖美原作降穆嚕密斯罕城獲通恩達

薩塔原作釋弗殺紀而使通恩復其所金史

塔克原作圖們本紀瑛春原作水合流之地烏庫

哩原作部人呼沙呼原作貝勒之子卓多原作

瑛春水安春之子也本傳安春之子也依詳校本刪節間誘烏

遜烏塔原作塔兩部作亂金史本傳適與蘇伯原作蘇濱水烏庫

哩達薩哈原作庫德並起兵穆宗三年丙子自將伐阿

蘇原作阿疎薩哈原作撒改以偏師攻通恩原作鈍恩城拔之阿蘇

初聞來伐乃自往訴於遼訥格納原作根之子通恩

亦亡去而與埒克卓多合於是兩黨作難本紀揚言曰

圖克坦原作徒單部之黨十四部為一烏庫哩之黨十四

部為一富察原作蒲察部之黨七部為一凡三十五部完

顏部十二而已以三十五部戰十二部三人戰一人

也勝之必矣世祖降附諸部亦皆有離心當是時惟

烏雅部色埒原作斜勒貝勒及圖們水溫特赫原作迪痕部

阿勒巴貝勒薩克蘇貝勒等皆使人來告難色埒達

希布原作紀保之子也先使其兄巴古拉原作骨臘來既

而以其甲來歸阿勒巴等曰吾等必不從亂但乞兵

為援耳本傳八月穆宗使薩哈為都統希卜蘇阿里罕

原作里合威泰原作幹帶副之以伐埒克卓多烏塔等們圖

瑄原作都訶實圖美原作徒門伐達薩塔薩哈與將佐議

或欲先平邊地部落城堡或欲先取埒克城議不能

決願得太祖至軍中穆宗使太祖往日事必有可疑

軍之未發者止有甲士七十盡以畀汝們圖瑄在穆

嚕密斯罕城下實圖美未到土人欲執們圖瑄以與

敵使來告急遇太祖於實都甸太祖曰國兵盡在此  
矣使敵先得志於們圖琿後雖種誅之何益也乃分  
甲士四十與之通恩將援塔克乘們圖琿兵未集而  
攻之本紀而未知實圖美之來會也欲先擊們圖琿們  
圖琿實圖美迎擊大破通恩穆嚕密斯罕城遂降獲  
通恩達薩塔皆釋弗誅太祖至薩哈軍明日遂攻破  
塔克城城中渠帥皆誅之取其孥累貲產而還本傳先  
是薩哈伐塔克威泰與希卜蘇阿里琿等俱為裨將  
諸將議攻取威泰主攻城便太祖將至軍威泰迎之  
謂太祖曰塔克城且下勿惑他議太祖從之至軍中

眾議乃決威泰急起治攻具其夜進兵攻城遲明破

之及額訥斯琿原作涅囊虎路恩楚原作蠢出路寇盜威泰盡

平之威泰傳烏塔城亦撤守備而降塔克先在遼烏塔

已脫身在外由是皆未獲本傳太祖使普嘉努原作蒲家奴

招卓多卓多既降噶順傳太祖釋之本傳於是撫寧諸部

如舊時本紀久之塔克烏塔皆來降金史本傳自是號令乃

一民聽不疑自景祖以來兩世四主志業相因卒定

離析一切治以本部法令東南至於伊勒呼海蘭扎

蘭托卜古倫東北至於五國矩威圖塔金蓋盛於此

本紀

阿蘇原作錫馨原作水赫舍哩原作部人父阿哈

貝勒事景祖世祖世祖破烏春還阿哈率官屬士民

迎謁於桑阿塔原作樂獻黃金五斗世祖諭之曰

烏春本微賤吾父撫育之使為部長而忘大恩乃結

怨於我遂成大亂自取滅亡吾與汝等三十部之人

自今可以保安休息吾大數亦將終我死汝等當念

我竭力以輔我子弟若亂心一萌則滅亡如烏春矣

阿哈與眾跪而泣曰太師若有不諱眾人賴誰以生

勿為此言未幾世祖沒阿哈亦死阿蘇繼之阿蘇自

其父時常以事來昭肅皇后甚憐愛之每至必留月

餘乃遣歸阿蘇既為貝勒嘗與圖克坦原作部卓多

原作詐都貝勒爭長肅宗治之乃長阿蘇穆宗嗣節度使

聞阿蘇有異志召阿蘇賜以鞍馬深加撫諭陰察其

意趣阿蘇歸謀益甚乃斥其事復召之阿蘇不來遂

與同部穆都哩原作貝勒等起兵金史穆宗三年

丙子使太祖率師伐巴圖巴圖亡去追及殺之阿蘇

穆都哩阻兵為難本紀穆宗自瑪奇原作嶺出兵攻之

薩塔原作自和掄原作嶺往略定珊沁原作錫馨兩

路攻下通恩原作城穆宗略阿齊呼原作水益募

軍至阿蘇城本傳日辰巳間忽暴雨昏暄雷電環阿蘇



所居是夕有巨火聲如雷墜阿蘇城中五行志識者以

為破亡之徵本傳阿蘇初聞來伐本紀與其弟達呼布原作

狄故往訴於遼遼人來止勿攻本傳穆宗陽受遼帝約

束輩魯傳留和卓原作貝勒守阿蘇城而歸金初亦有

兩和卓其一薩哈子贈韓國公所謂肅宗納和卓妻

瓜爾佳氏者是也輩魯傳其一守阿蘇城者本傳博囉孫

原作呼實子輩魯傳後贈特進云本傳七年庚辰本紀和卓

以兵守阿蘇者二年矣阿蘇在遼不敢歸穆都哩乃

降本傳遼使使來罷兵未到穆宗使烏凌阿原作烏舒

嚕原作往佐和卓戒之曰遼使來罷兵但換我軍衣

服旗幟與阿蘇城中無辨勿令遼使知之因戒和卓

曰遼使可以計卻勿聽其言遼罷兵也遼使果來罷

兵穆宗使富察原作部呼嚕原作貝勒密遜原作貝

勒與俱至阿蘇城和卓見遼使詭謂呼嚕密遜曰我

部族自相攻擊干汝等何事誰識汝之太師乃援槍

刺殺呼嚕密遜所乘馬遼使驚駭遽走不敢回顧徑

歸居數日破其城達呼布還自遼在城中執而殺之

阿蘇復訴於遼遼遣奚節度使伊里原作來穆宗至

拉林水興克原作村見伊里問阿蘇城事命穆宗曰

凡攻城所獲存者復與之不存者備償且徵馬數百

匹穆宗與僚佐謀曰若償阿蘇則諸部不可復號令

任使也乃令矩威原作圖塔兩水之民陽為阻

絕鷹路復使布古德原作鼈部節度使言於遼曰欲

開鷹路非生女直節度使不可遼不知其為穆宗謀

也信之命穆宗討阻絕鷹路者而阿蘇城事遂止穆

宗聲言平鷹路乃畋於屯原作陶温水而歸八年辛巳遼

使使持賜物來賞平鷹路之有功者本紀穆宗盡以其

物與矩威圖塔之人而不復備償阿蘇遼人亦不復

問後二年阿蘇使其徒德濟原作達紀至生女直界上海

蘭甸人畏穆宗執而送之阿蘇在遼無所歸本傳遂與

族弟尼楚赫原作銀薩里罕原作辭陰結南江居人

歡塔博索原作渾欲俱亡入高麗事覺太祖使瓜爾

佳薩哈原作夾捕之而尼楚赫薩里罕先為遼戍所

獲歡塔博索已亡去薩哈取其妻子而還本紀阿蘇遂

終於遼本傳初遼每歲遣使市名鷹海東青於海上道

出境內使者徵索無藝公私厭苦之康宗嘗以不遣

阿蘇為言稍拒其使者太祖嗣節度使亦遣普嘉努

原作蒲往索阿蘇後復遣宗室實古納原作實完顏

尼楚赫原作銀往索阿蘇實古納等還具言遼主驕

肆廢弛之狀於是召官僚耆舊以伐遼告之使備衝

要建城堡修戎器以聽後命遼統軍司聞之使節度使尼格原作捏哥來問狀復遣阿息保來詰之太祖謂之

曰我小國也事大國不敢廢禮大國德澤不施而逋逃是主以此字小能無望乎若以阿蘇與我請事朝

貢苟不獲已豈能束手受制也阿息保還遼人始為備命統軍蕭托卜嘉原作撻不野調諸軍於甯江州太祖

聞之使富卦喇原作僕復索阿蘇實觀其形勢二年甲午九月太祖進軍甯江州次寥晦城致遼之罪申

告於天地曰世事遼國恪修職貢定烏春烏木罕之亂破蕭哈里之眾有功不省而侵侮是加罪人阿蘇

屢請不遣今將問罪於遼天地其鑒佑之本紀凡與遼

往復書命本傳常以此為言終於滅遼然後已本紀天輔

六年棟摩原作閻母羅索原作婁室略定天德雲內甯邊東勝

等州獲阿蘇軍士問之曰爾為誰曰我破遼鬼也金史

本傳六月壬午希尹原作古新以阿蘇見杖而釋之本紀

錫馨原作石顯海蘭原作孩懶水烏凌阿原作烏林答部人金史生

女直之俗本紀初無文字完顏無書契無官府無約束

不知歲月晦朔昭祖以條教為治部落寢強遼以特

哩袞原作惕隱官之民頗聽從本紀錫馨陸梁不可制本傳昭

祖耀武至於青嶺白山順者撫之不從者討伐之入

於蘇伯原作蘇濱扎蘭原作耶懶之地所至皆克捷本紀還至古

哩甸原作姑里得疾寢於村舍洞無門扉乃以車輪當門

為蔽族人果布原作摑保卧輪下為扞禦已而賊至刃交

於輪輻間果布洞腹見膏恐昭祖知之乃然薪取膏

以為炙問之以他肉對昭祖心知之乃中夜啟行果布

傳至巴喇濟原作通刺紀村止焉是夕卒本紀部人以樞歸

至海蘭水錫馨與完顏部鄂和原作寓忽寓出而邀諸部

攻而奪之樞揚言曰汝輩以舒嚕為能而推尊之吾

今得之矣昭祖之徒往告於佛穆丹原作蒲馬大彎與瑪奇

嶺赫伯村完顏布蒙克巴圖原作巴土等募軍追及之與

戰復得樞本傳瓜爾佳原作加古部人富呼原作蒲虎復來襲之

垂及富呼問諸路人曰舒嚕樞去此幾何其人曰遠

矣追之不可及也富呼遂止於是乃得歸葬焉本紀眾

推景祖為諸部長白山頁赫原作耶梅圖們原作統門扎蘭托

卜古倫原作骨論五國皆從服本傳是時遼之邊民有逃

而歸者及遼以兵徙圖垓原作鐵勒烏舍原作烏惹之民烏舍

多不肯從亦逃而來歸遼使赫嚕原作曷魯林牙將兵來

索逋逃之民景祖恐遼兵深入盡得山川道路險易

或將圖之乃以計止之曰兵若深入諸部必驚擾變

生不測逋戶亦不可得非計也赫嚕以為然遂止其

軍與赫魯自行索之是時鄰部雖稍從本紀錫馨拒阻

不聽命景祖攻之不能克自度不可以力取乃以錫

馨阻絕海東青路請於遼帝遼帝使人讓之曰汝何敢

阻絕鷹路審無他意遣其酋長來錫馨使其長子頗

克綽歡原作婆入朝曰不敢違大國之命遼人厚賜

遣還謂之曰汝父信無他宜身自入朝錫馨信之明

年入見於春蒐頗克綽歡從遼主謂錫馨曰罪在汝

不在汝子乃命頗克綽歡還而流錫馨於邊地蓋景

祖以計除錫馨而欲撫有其子與部人也頗克綽歡

蓄怨未發會哈勒琿原作活水赫舍哩部拉必原作

瑪察原作叛頗克綽歡從之本傳侵掠野居女直略拉

林水牧馬世祖擊之中四創久之疾愈拉必等復略

穆宗牧馬交結諸部世祖復伐之拉必等給降乃旋

拉必得古哩甸兵百十有七人據穆稜原作水守險

世祖克之盡獲古哩甸兵瑪察遁去遂擒拉必及頗

克綽歡本紀及其黨與皆獻之遼主久之世祖復使人

言曰頗克綽歡不還則其部人自知罪重恐懼不肯

歸服遼主以為然遂遣頗克綽歡及前後所獻罪人

皆還之金史本傳

準塔原作蘇拉布原作皆瓜爾佳部人原作加賽

音諾延

原作申乃因

綽哈

原作醜阿

皆圖們

原作駝滿

部人富哲尼

瑪哈

原作富者黏沒罕

完顏部人阿固岱

原作阿庫德

布達

原作白達

皆德因爾

原作雅達蘭

水完顏部貝勒七人者當攜離之

際能一心輔戴者也德濟

原作達紀

呼遜

原作呼蘇

皆珠嘉

原作

術部貝勒雙寬

原作勝昆

王保皆珠格

原作尤虎

部人阿固岱

温特赫

原作温迪痕

部人此五人者又其次者也

金史世本傳

祖初年

本傳

叔父伯赫

原作跋黑

陰懷覬覦誘和諾克

原作桓赫

薩克達

原作散達

烏春烏木罕

原作窩謀罕

等烏春以伯赫居

肘腋為變信之由是頗貳於世祖

烏春傳

世祖嘗買瓜

爾佳部鍛工鄂伯台

原作烏不屯

被甲九十烏春欲託此

為兵端

本紀

而童謠有欲生則附於伯赫欲死則附於

和哩布頗拉淑之語

伯赫傳

世祖還其甲

本紀

烏春自此

益無忌憚

烏春傳

使人召阿固岱布達阿固岱曰吾不

知他死生與太師共之太師謂世祖也布達大喜曰

我心正如此耳烏春兵來堅壁自守勿與戰可也德

濟呼遜居博勒和

原作琵琶里郭

水烏春兵出其間不為變

終拒而不從雙寬居和博果

原作胡不干

村其兄卓巴納

貝勒

原作津不乃

烏春止其家

金史本傳

而以兵圍雙寬於赫

伯

原作胡

村兵退雙寬執其兄卓巴納而請蒞殺於世

祖且請免其孥戮從之

本紀

世祖破和諾克薩克達主

保死焉天會十五年準塔賽音諾延阿固岱布達皆

贈金紫光祿大夫蘇拉布綽哈富哲尼瑪哈德濟呼

遜雙寬主保阿固岱皆贈銀青光祿大夫又有和掄

原作瓜爾佳部雙寬與前又貝勒察遜原作水烏雅

部富哲固納原作畏烏春疆請世祖兵出其間以為

重金史蓋所部與烏春近欲以自蔽故也烏春世祖

使色埒默雅爾盤原作將別軍過之固納教色埒默

取先在烏春軍中二十二人烏春覺之殺二人得二

十人固納又以土人益色埒默軍金史是時烏春前

死烏木罕自知不敵乃遁去遂克其城諸部皆安輯

焉穆宗嘗嘉固納功後以色埒默之女守甯妻其子

呼爾罕原作焉烏春摩多圖水費摩部鄂博原作

貝勒附於世祖和諾克焚之鄂博卒世祖厚撫其家

因併錄之以見立國之艱難云金史

吉林通志卷七十四

人物志三 金一

罕都 子興 威泰

伊克 子興 固納

阿里布 子興 額爾古訥

芬徹 子興 宗雋

宗傑 子興 宗強

爽 子興 克實

阿蘇 子興 宗敏

罕都 原作歡都 完顏部人祖舒嚕 原作石魯 與昭祖同時同部



同名交相得誓曰生則同川居死則同谷葬土人呼

昭祖為勇舒嚕呼舒嚕為賢舒嚕初烏蘇展原作烏薩札

部有美女名博多和原作龍敵悔青嶺東混同江舒舒原作

蜀水人掠而去生二女長曰達呼原作達同幼曰濟色原作

賽昭祖納其一賢舒嚕納其一皆以為妾是時諸部

不肯用條教昭祖耀武於青嶺白山入於蘇伯原作蘇濱

札蘭原作耶懶之地賢舒嚕佐之也其後別去至景祖時

舒嚕之子噶順原作劾孫舉部來歸居於按春水原作安出虎

源庫堪原作胡凱山之南庫堪山者所謂和琳原作和陵之地

是也罕都噶順子世祖初襲節度使而伯赫以屬尊

蓄異謀不可制諸部相繼為變罕都入與謀議出臨

戰陳未嘗去左右沃埒原作幹勒部人博諾原作孟乃自景祖

時與其兄弟俱居按春水之北及烏春作難博諾將

與烏春合間誘烏嚕斯哈珠原作魯紺出水居人與之相

結欲先除去罕都會其家被火陰約隸人布格蘇原作

不歌詭稱放火為罕都呼圖原作胡土二人金史本傳使珠敦

原作來謂世祖曰布格蘇來告前日之火罕都等縱

之可執以來世祖疑之蘇爾噶勒原作盧幹勒貝勒曰博

諾兄弟也豈以一二人之故與兄弟構怨乎不如與

之便宏簡錄罕都被甲執戟而起曰彼為亂之人也若

取太師兄弟則亦與之乎今取我輩我輩決不可往

若必用戰當盡力致死穆宗曰壯哉罕都以我所見

正如此耳贈罕都以馬曰戰則乘此眾皆稱善世祖

乃往見博諾隔必喇原作水而與之言曰布格蘇既

告縱火由罕都等謹當如約當先遣布格蘇來布格

蘇至世祖於馬前殺之使博諾見之本傳博諾慚而去

宏簡既而聞之放火者博諾家人恩楚華善原作阿

也博諾欲開此釁故以誣罕都云本傳拉必瑪察之戰

罕都入陳慶鬪左右出入者數四本傳馬中創死者十

數拉必論功居多宏簡錄希烏春烏木罕據哈勒瓊

水世祖既許之降遂還軍於是薩喇原作貝勒富哲

達蘭原作富觀勝負不助軍而薩喇達蘭先曾與拉

必瑪察合世祖欲因軍還而遂滅之馳馬前進達蘭

者貞惠皇后之弟也罕都下馬執轡而諫曰獨不念

費揚古原作蒲陽温本傳有愛與弟婦乎世祖感其

言遂止費揚古者漢語云幼弟也世祖母弟中穆宗

最少故云然穆宗德罕都言後以達蘭女克爾森原作

曷羅妻其子古新太祖追瑪察罕都射中其首獲之

遼人命穆宗太祖希卜蘇罕都俱為詳袞本傳久之烏

新原作烏爾圖原作以古哩甸兵來歸世祖使薩布

原作貝勒往撫定不能訓齊其人為富察原作蒲察部古

實原作故石巴克實原作拔石等所誘入城陷三百餘人命罕

都為都統往治其罪盡解薩布所將軍宏簡錄大破烏

春烏木罕於實都擒古實巴克實初頁赫水宏簡錄作耶悔

納哈塔宏簡錄作納喝部薩巴原作撒八之弟曰安札原作注阿與

人爭部族官不得直遂來歸安札之甥曰薩必原作三濱

日薩塔原作撒達希卜蘇破烏春烏木罕城獲薩必薩塔

并獲其母以為次室撫其二子薩塔告安札必為變

希卜蘇不信而殺之至是安札果為變因穆宗晨出

獵糾率七八人操兵入宅奪據寢門劫貞惠皇后及

家人等本傳罕都奔見安札曰閨門眷屬豈足劫質徒

使驚恐耳汝故識我曷以我為質再三言之始從宏簡

錄貞惠皇后於是得解而質罕都薩哈希卜蘇使人

告急於獵所穆宗亦心動罷獵歸中途逢告者日午

至安札謂穆宗曰可使係案女直知名官僚相結送

我兄弟親屬由咸州路入遼國庫金廄馬與我勿惜

罕都亦當送我至遼境然後還而要穆宗與之盟穆

宗皆從之遂執罕都及阿勒坦原作阿喇卜丹原作阿魯

等七人共以衣裙相結與安札俱行至遼境乃

釋罕都罕都至濟州實黃龍府使人馳驛要遮安札

之黨屬惟縱其親人使去遂殺薩必并其母遣使報  
於遼乞還安札遼人流之和勒端原作曷董城其後安札  
懷思鄉土亡歸附於係案女直因亂其官僚之室捕  
之不伏乃見殺穆宗襲位之初諸父之子錫林原作習烈  
錫伯及諸兄有異言曰君相之位皆渠輩爲之奈何  
罕都曰汝輩若紛爭則吾必不默默但已眾聞之帖  
然自是不復有異言者罕都事四君出入四十年征  
伐之際遇敵則先戰廣廷大議多用其謀世祖嘗曰  
吾有罕都則何事不成肅宗時委任冠於近僚穆宗  
嗣位凡圖遼事皆專委之康宗以爲叔父舊人尤加

敬禮多所補益康宗十一年癸巳二月得疾避於默

勒們原作米里每水薨年六十三喪歸康宗親迓於路送

至其家親視葬事天會十五年追贈儀同三司代國

公明昌五年贈開府儀同三司諡曰忠敏本傳配饗世

祖廟廷洽訶傳子古新默音古新別有傳默音當安札

之難會同罕都代爲質後與宗峻俱侍太宗宗峻坐

默音上上怒命坐其下貝勒拉巴哩原作老勃論博克順

原作振合汝希卜蘇原作轄拔速三人爭千戶上曰汝輩能如

罕都父子有勞於國者乎乃命默音爲千戶三人者

皆隸焉其眷顧如此天輔五年十二月卒天會十五

年贈太子少傅金史本傳

威泰原作世祖簡翼皇后生簡翼皇后傳太祖同母弟也

於眾弟中最愛之宏簡錄年二十餘從薩哈原作撒改伐埒

克原作留可為裨將諸將議攻取威泰主攻城便太祖將

至軍威泰迎之曰埒克城且下勿惑他議太祖從之

眾議乃決威泰急起治攻具其夜進兵攻城遲明破

之及額訥斯璋路原作二隍恩楚路原作蠢寇盜盡

平之康宗二年甲申蘇伯原作蘇濱水諸部不聽命康宗

使威泰等往治其事行次呼爾哈原作活羅海川薩哈原作

撒阿村召諸部皆至惟鴻觀部原作含沃赫原作貝勒

不至威準原作部達薩塔原作狄貝勒哲爾德原作職德

部薩克蘇原作斯故速貝勒亦皆遷去遇烏塔原作於瑪

奇原作瑪紀嶺遂執二人以降於是使威泰將兵伐沃赫

募軍於蘇伯水沃赫完聚固守攻而拔之進師博齊

赫布騰原作北琴路攻拔歡塔原作城取畔者以歸

金史本傳時太祖以事如宵江州欲與偕行辭曰兵役久

勞未及息也遂不果往宏簡錄太祖還晝寐於拉林原作

來流水傍夢威泰之場圃火禾盡焚不可撲滅覺而深

念之以為憂是時威泰已寢疾太祖至聞之過家門

不下馬徑至威泰所問疾未幾薨年三十四太祖每

哭之慟謂人曰予強與之偕行未必死也威泰剛毅

果斷服用整肅臨戰決策有世祖風軍旅之事多專

任之太祖平遼歎曰恨威泰之不及見也天會十五

年追封儀同三司魏王諡曰定肅金史本傳

伊克原作系出景祖按詳校本景字疑居舍音原作

水完顏部為其部貝勒與同部人巴哩原作貝勒鄂

敏原作水富察原作蒲察部歡託和原作胡貝勒蘇都原作

都貝勒特克新特布原作泰水完顏部安圖貝勒圖

卜穆爾原作統水溫特赫原作溫部和囉海原作活

貝勒俱來歸金自此益大肅宗拒和諾克已再失利

世祖命罕都伊克以本部穆昆之兵助之伊克與罕

都常在世祖左右居則與謀議出則蒞行陳未嘗不

在其間天會十五年贈銀青光祿大夫明昌五年贈

特進諡忠濟本傳大定中定亞次功臣圖像衍慶宮三

字依詳與代國公罕都特進和卓開府儀同三司博

諾原傳儀同三司巴達原作拔五人者元勳之最著

也俱配饗世祖廟廷巴達伊克子阿里布原作阿固

納原傳額爾古訥原作訛薩克達原作薩克達子芬

徹金史本傳

固納原傳伊克子善騎射有才幹金史本傳世祖嗣節度

使烏春傳從討和諾克薩克達烏春烏木罕埒克之叛  
皆有功太祖伐遼固納從戰甯江州珠赫店破遼主  
親軍皆以力戰受賞襲其父穆昆領秦王宗翰千戶  
攻下中西兩京宗翰伐宋圍太原未下宗翰還西京  
固納以右翼軍佐尼楚赫原作銀守太原是時汾州  
團柏榆次嵐憲潞皆有兵來援固納凡四戰皆破之  
大軍圍汴固納引萬戶軍屢敗其援兵憲潞等州復  
叛固納引兵復取之并收撫保德火山而還復領軍  
鎮夏邊在職十二年天會八年授世襲明安天眷初  
為天德軍節度使致仕累遷開府儀同三司卒年八

十五子喜格

原作喜哥

襲明安加宣武將軍

金史本傳

阿里布

原作阿魯補

伊克之子為人魁偉多智略勇於戰

未冠從軍下咸州東京

金史本傳

先是渤海人高永昌殺

其東京留守蕭保先自稱大渤海國皇帝

大金國志

改元

隆基

幹魯傳

據遼東五十餘州

大金國志

遼人討之久不能

克

幹魯傳

既而女直破渤海軍斬高永昌

大金國志

阿里布

力戰有功

珠魯傳

遼人來取海州從貝勒瑪奇

原作麻吉往

援道遇重敵力戰斬首千級從烏楞古

原作魯古

攻蒙

懿州以十餘騎破敵七百進襲遼主阿里布徇北地  
招降營帳二十四民戶數千時已下西京棟摩

原作闍母

攻應州未下退營於州北十餘里夜遣阿里布率兵  
四百伺敵城中果出兵三千來襲阿里布道與之遇  
斬首百餘獲馬六十後遣兵三萬出馬邑之境以千  
兵擊之斬其將於陣本傳天會元年夏燕人張覺畔以  
平州附宋大金國志宋王宗望討張覺於平州聞應州有  
兵萬餘來援阿里布與阿勒達原作阿里帶迎擊之斬馘  
數千而還復從其兄約罕原作虞劃率兵三千攻乾州約  
罕道病卒代領其眾至乾州降其軍及營帳三十獲  
印四十與布呼原作卜灰攻下義州三年十二月本紀宗望  
伐宋本傳甲辰宗望諸軍及郭藥師張企徽劉舜仁戰

於白河本紀宗望命阿里布以穆昆先登賞賚特異本傳

丙午郭藥師降本紀至汴破淮南援兵斬其二將大軍

退次孟陽姚平仲夜以重兵來襲阿里布適當其中  
力戰敗之既還聞大名開德合兵十餘萬來爭河至  
河上知去敵尙遠乃以輕兵夜發詰旦至衛縣遇敵  
斬首數千級餘皆潰去師次邢州滹沱橋已焚阿里  
布先以偏師營於水上比軍至而橋成宗望嘉其功  
出真定庫物賞之爲長勝軍千戶及再伐宋從宗望  
破敵於井陘遂下欒城師自大名濟河阿里布屯於  
洺州之境時宋主史作康王依詳校本改留相州大名府以兵



來攻我營阿里布乘夜以騎二百潛出其後反擊敗  
之居數日敵復來蘇統制以兵二萬先至阿里布乘  
其未集以三百騎出戰大敗其眾生擒蘇統制殺之  
大軍既克汴京攻洛州敗大名救兵遂下洛州三年  
三月本紀從達蘭原作捷懶攻恩州還沼人復叛阿里布先  
至城下城中出兵來戰敗之執其守佐遂與富琦原  
作蒲取信德軍梁王宗弼取開德阿里布以步兵  
五千赴之大名境內多盜命阿里布留屯其地賊犯  
莘縣聞阿里布至即潰去追襲一晝夜至館陶及之  
皆俘以歸七年九月本紀從宗弼襲宋主既渡淮阿里

布以兵四千留和州總督江淮閒戍將以討未附郡

縣本傳遂與色哩頁本紀攻下太平州隳其城本傳復下順

昌及濠州本紀盧州叛以偏師討之敗其騎六千擒三

校明日復破敵於慎縣斬首五百張永合步騎數萬

來戰阿里布兵止二千敵圍之阿里布潰圍力戰竟

敗之追殺四十里獲馬三百而還八年三月本紀再攻

廬州本傳丁卯本紀與達呼布原作迪古不敗敵萬眾於柘臬

至廬州騎兵五百出戰敗之斬其二校師還宗弼趨

陝西道聞大名復叛遣阿里布經略之獨與譯者至

城下招之大名果降翌日下令民間兵器悉上送官

於是吏民按堵如故爲大名開德路都統本傳九月戊

申立劉豫爲大齊皇帝世修子禮建都大名府本紀阿

里布屯兵於汴城外天會十五年詔廢齊國本傳降封

劉豫爲蜀王本紀已執劉麟阿里布先入汴京備變明

年除歸德尹割河南地與宋入爲燕京內省使宗弼

復河南阿里布先濟河撫定諸郡再爲歸德尹河南

路都統宋兵來取河南地宗弼召阿里布與許州韓

常穎州大臭原作托嘉陳州持嘉暉元作赤蓋暉皆會於汴

阿里布以敵在近獨不赴而宋將劉光世等果乘閒

襲取許穎陳三州旁郡皆響應其兵攻歸德者阿里

布連擊敗之復取亳宿等州河南平阿里布功最皇

統五年爲行臺參知政事授世襲明安兼哈濟穆昆

改元帥右監軍博索路統軍歸德軍節度使累階儀

同三司其在汴時嘗取官舍材木構私第於恩州至

是事覺法當議勳議親海陵嘗在軍中惡阿里布詔

曰若論勳勞更有過於此者况官至一品足以酬之

國家立法貴賤一也豈因親貴而有異也遂論死年

五十五阿里布以將家子從征伐屢立功歷官有惠

愛得民心及死人皆惜之大定三年贈儀同三司詔

其子爲右衛將軍襲明安及親管穆昆賜銀五百兩

綵二十端絹三百匹金史本傳復定亞次功臣圖像衍慶

宮十一字依詳校本增

額爾古訥原作訛古乃伊克子委質魁偉年十四隸宗翰

軍中常領兵行前為偵候金史本傳天輔五年宗翰出瓢

嶺追遼主於鴛鴦濼遼主奔西京本紀額爾古訥以甲

騎六十追遼招討圖善原作徒山獲之又以七騎追獲遼

公主額布勒原作牙不里以獻有軍來為遼援方臨陳中

有躍馬而出者軍帥謂之曰能為我取此乎額爾古

訥曰諾果生擒而還問其名曰通古原作同瓜蓋北部中

勇者也額爾古訥善馳驛日能千里及伐宋屢遣將

命以行天會八年從秦王在燕聞伊都原作余賂反於西

北秦王促令額爾古訥馳驛以往黎明走天德及至

日猶未曛也皇統元年以功授甯遠大將軍哈喇原作

刺豪唐古部節度使五年授千戶遷西北路招討使九

年再遷天德尹西南路招討使天德二年召見四年

遷臨洮尹加金紫光祿大夫卒官年五十三金史本傳

芬徹原作蒲查薩克達子伊克與穆宗子齊國公芬徹宗室

表同時同名罕都自上京密齊顯原作梅堅河徙屯天德

初為元帥府章京金史本傳使按四方事能得其實號為

稱職宏簡錄領明安皇統閒除同知開遠軍節度使斥

候嚴整邊境無事正隆初爲中都路兵馬判官是時

京畿多盜芬徹捕得大盜四十餘人本傳百姓獲安宏簡

錄改安化軍節度副使大定二年領行軍萬戶充邳

州刺史知軍事領本州萬戶管所屯九明安軍昌武

軍節度使山東副都統本傳五年爲夏國生日使本薩

哈原作南征元帥府以芬徹行副統事入爲太子少

詹事再遷開遠軍節度使襲伯父固納明安厯博索

路兵馬都總管西北路招討使本傳卒十五年詔圖像

衍慶宮薩哈追諡濟國公五字依詳大裒功臣始罕

都終阿里布原作阿凡二十二入齊國公芬徹原作

亦預焉宏簡芬徹性廉潔忠直臨事能斷凡被任使

無不稱云金史

宗雋本名額爾袞原作訛魯觀太祖欽憲皇后生本傳

序爲人有勇力虬髯善射性愛民所居官必復租薄

征得番漢心大金天會十四年爲東京留守天眷元

年入朝本傳時劉豫已廢宏簡與左副元帥達蘭原作

建議本傳以廢齊故地畀宋宏簡宗室大臣皆言不可

宗雋達蘭陰相黨與宗磐謂我委地與宋必然德我

宗幹等爭之不能得宗憲復折之曰我俘宋父子兄

弟怨匪一日若復資以土地是助讐以戕我何德之

有不聽竟以河南陝西地與宋宏簡錄俄為尙書左丞

相宗磐傳作加開府儀同三司兼侍中封陳王二年

拜太保領三省事封兗國王既而以謀反誅金史本傳

宗傑本名穆里延原作沒里野本傳太祖聖穆皇后生本傳

天會五年薨天會十三年諡孝悼天眷元年追封越

王以其長子奭為會甯牧封鄧王後為上京留守再

改燕京西京皇統元年正月七日遣告天地社稷大金

集禮三年薨子阿蘭達蘭原作阿懶撻懶海陵為相將謀弑立

構而殺之海陵篡立并殺宗傑妻大定間贈宗傑太

師封趙王金史本傳

宗強本名阿嚙金史本傳太祖元妃烏庫哩氏生本傳天

眷元年封紀王三年代宗固為燕京留守皇統元年

正月遣告太廟大金集禮五月拜太師封衛王六月薨輟

朝七日喪至上京上親臨哭之慟仍親視喪事子阿

林克實阿蘇

爽本名阿林原作阿鄰宗強子天德三年授世襲明安正

隆二年除橫海軍節度使改安武軍留守司奉朝請

金史本傳四年紀本海陵將伐宋本傳太醫使祁宰上疏諫殺

之遂禁朝官飲酒犯者死本紀爽坐與弟阿蘇原作阿瑣及

從父兄亨圖克坦貞會飲本傳杖百本紀下遷歸化州刺

史奪明安未幾復除安武軍節度使本傳海陵自將三

十二總管兵伐宋將士自軍亡歸者相屬於道皆公

言於路曰我輩今往東京立新天子矣本紀海陵渡淮

分遣使者翦滅宗室爽憂懼不知所出會世宗即位

東京本傳改元大定大赦數海陵過惡弒皇太后圖克

坦氏殺太宗及宗翰宗弼子孫宗本諸王毀上京宮

室殺遼豫王宋天水郡王郡公子孫等數十事本紀宗

室璋本名呼密原推爽弟阿蘇行中都留守遣人報

爽爽棄妻子來奔與弟忻州刺史克實原作俱至中

都東迎車駕至梁魚務入見世宗大悅即除殿前馬

步軍都指揮使封溫王改秘書監母憂尋起服遷太

子太保進封壽王頃之世宗第五女蜀國公主下嫁

唐古鼎賜宴龍神殿謂爽曰朕與卿兄弟在正隆間

朝夕常懼不保豈意今日賴爾兄弟之福可以享安

樂矣爽泣下頓首謝未幾判大宗正事太子太保如

故爽有疾詔除其子符寶祗候色埒為忠順軍節度

副使爽入謝上曰朕以卿疾使卿子遷官冀卿因喜

而愈也色埒年少未閑政事卿訓以義方使有善可

稱別加升擢爽疾少間將從上如涼陞賜錢千萬進

封英王轉太子太傅復世襲明安進封榮王改太子

太師顯宗長女鄴國公主下嫁烏庫哩誼賜宴慶和  
殿爽坐西向迎夕照面發赤似醉上問曰卿醉耶對  
曰未也臣面迎日色非酒紅也上悅顧羣臣曰此弟  
出言未嘗不實自小如此因謂顯宗兄弟曰汝等可  
以為法以爽資用有關特賜錢一萬貫二十三年爽  
疾久不愈敕有司曰榮王告滿百日當給以王俸既  
薨上悼痛輟朝遣官致祭賻銀千兩重綵四十端絹  
四百匹陪葬山陵親王百官送葬他日謂大臣曰榮  
王之葬朕以不果親送為恨其見友愛如此金史本傳  
克實原作宗強子累官唐古部族節度使降忻

州刺史正隆六年九月本紀海陵渡淮遣使殺諸宗室

宗敏傳十月東京留守曹國公烏祿即位於遼陽本紀克

實棄州來歸與其兄歸化州刺史阿林會於中都是

時弟阿蘇權中都留守事克實謂阿林曰阿蘇愚戇

恐不能撫治欲少留以助之阿林乃行克實留中都

聞世宗發東京乃迎見於瑪奇原作麻吉鋪除兵部尙書

佩金牌將兵往南京行至中都聞南京已定遂止克

實材武過人狠戾好亂自以太祖孫頗有異志世宗

初至中都倥偬多事扈從諸軍未暇行賞或有怨言

於是克實鄂倫原作李惟忠鄂爾多原作李

璋本名呼密原布呼原作謀欲因扈從軍士怨望作

亂本傳大定二年上謁山陵璋等九人會於克實家宗室

璋惟忠說萬戶高松本名搏多曰君有功舊人至今

不得大官何也松曰我一縣令也每念聖恩累世不

能報尙敢有望乎惟忠遂不敢言知事不可成高松傳

克實璋布呼乃擒鄂倫惟忠鄂爾多阿古喇原作沃窟刺

詣有司自首既下詔獄克實不肯自言其始謀及與

鄂倫面質然後款伏上念兄弟少太祖孫惟數人在

惻然傷之詔罪止克實一身其兄弟子孫皆不緣坐

遂誅鄂倫惟忠鄂爾多阿古喇等其阿古喇下穆昆

士卒皆釋之除璋彰化軍節度使布呼濬州防禦使

辛巳詔天下是日賜扈從萬戶銀百兩明安五十兩

穆昆絹十疋甲士絹五疋錢六貫伊勒希以下賜各

有差金史本傳

阿蘇原作阿鎖宗强之幼子也長身多力天德二年以宗

室子授奉國上將軍累加金吾衛上將軍金史本傳與宗

室璋宗强居於中都本傳海陵伐宋左衛將軍富察薩

勒扎原作沙離只同知中都留守佩金牌掌留守府事世

宗卽位於遼陽璋勸薩勒扎歸世宗薩勒扎不從宗室

璋阿蘇與璋率守城軍烏凌阿原作烏林答實嘉努原作石家



奴等本傳以兵晨入留守府殺薩勒扎及判官瑪延原作

漫薩里罕推阿蘇為留守宗室璋自署同知留守事

本傳遣實嘉努佩薩勒扎金牌與烏凌阿愿富察芬徹

原作蒲察蒲查中都轉運使左淵子貽慶大興少尹李天吉

子磐奉表如東京賀即位世宗嘉之宗室璋傳大定二年

授橫海軍節度使賜以名鷹詔曰卿方年少宜自戒

慎留心政事改武定軍以母憂去官起服興平軍節

度使賜以襲衣廩馬遷廣甯尹坐賊一萬四千餘貫

詔杖八十削兩階解職入見於常武殿上曰朕謂汝

有才力使之臨民今汝在法當死朕以親親之故曲

為全貸當思自今戒懼勿復使惡聲達於朕聽改平

涼濟南尹卒官年三十七上命有司致祭賻銀千兩

重綵四十端絹四百疋金史本傳

宗敏本名阿里布原作阿魯補太祖元妃烏庫哩原作

烏古氏生本傳天眷元年封邢王皇統三年為東京

留守拜左副元帥兼會甯牧進拜都元帥兼判大宗

正事再進太保領三省事兼左副元帥領行臺尙書

省事封曹國王本傳屢憂熙宗性喜殘殺乘左右無人

密謂海陵國家事重奈何輒殺大臣海陵將以為指

斥自念無證不可發及弒熙宗畏其屬尊且材勇欲

構誣以除之時世宗爲葛王使召之宗敏疑懼不敢  
往王曰叔父今不卽往明日如何相見宗敏不得已  
入宮海陵尙猶豫以問烏達原作烏帶曰彼太祖子也不  
殺之眾人必有異議宏簡錄不如除之乃使布薩呼圖  
原作僕散忽士刃擊宗敏宗敏左右走避膚髮血肉狼藉徧  
地本傳葛王見之問於眾曰國王何罪而死烏達曰天  
許大事尙已行之此蟻蝨爾何足道者宏簡錄天眷三  
年海陵追封宗敏爲太師進封爵妃富察原作蒲察氏進  
國號封子薩哈連改作撒合輩舒國公賜名裒進封王阿  
里罕封密國公正隆六年契丹薩巴反海陵遣使殺

諸宗室阿里罕遂見殺大定間詔復官爵

金史本傳

吉林通志卷七十五

人物志四

金三

傅希民

主文

太宗

宗秀

宗

果布

果布

宗秀

果布

珠嚕

宗賢

果布

宗賢

宗賢

果布

宗賢

宗賢

果布

宗賢

宗賢

果布

宗賢

宗賢

果布

宗賢

崇成

果布

烏野 字勉道 少好學問 國

主於石輦鐸太宗嗣位自軍中召還與謀政事宗翰  
宗望定汴州受宋帝降太宗使勗就軍中往勞之宗  
翰等問其所欲曰惟好書耳載數車而還女直初無  
文字及破遼獲契丹漢人始通契丹漢字於是諸子  
皆學之宗雄能以兩月盡通契丹大小字而完顏希  
尹乃依倣契丹字製女直字金史本傳天會三年八月字  
書成太祖大悅命頒行之希尹傳女直既未有文字亦  
未嘗有紀錄故祖宗事皆不載宗翰好訪問女直老  
人詳校本案老人指阿窩懣等多得祖宗遺事金史本傳與遼議和詔  
契丹漢字宗雄與宗翰希尹主之宗雄傳太宗初卽位

復進士舉而韓昉輩皆在朝廷文學之士稍拔擢用

之天會六年詔書求訪祖宗遺事以備國史命勗與

耶律迪延原作迪越掌之勗等採摭遺言舊事自始祖以

下十帝綜爲三卷凡部族旣曰某部復曰某水之某

又曰某鄉某村以識別之凡與契丹往來及征伐諸

部其間詐謀詭計一無所隱有詳有略咸得其實自

太祖與高麗議和凡女直入高麗者皆索之至十餘

年索之不已勗上書諫曰臣聞德莫大於樂天仁莫

先於惠下所索戶口皆前世奸宄叛亡烏珍原作烏蠶

木罕原作莫罕阿哈阿克蘇木原作阿合速之緒裔先世綏

懷四境尙未賓服自先君與高麗通聞我將大因謂  
本自同出稍稍款附高麗既不聽許遂生邊釁因致  
交兵久方連和蓋三十年當時壯者今皆物故子孫  
安於土俗婚姻膠固徵索不已彼固不敢稽留骨肉  
乖離誠非眾願人情咨怨甚可愍者而必欲求爲己  
有特彼我之蔽非一視同仁之大也國家民物繁夥  
幅員萬里不知得此果何益耶今索之不還我以強  
兵勁卒取之無難然兵凶器戰危事不得已而後用  
高麗稱藩職貢不闕國且臣屬民亦非外聖人行義  
不責小過理之所在不俟終日臣愚以爲宜施惠下

之仁宏樂天之德聽免徵索則彼不謂已有如我自  
得之矣從之十五年爲尙書左丞

本傳

先是天會八年

安班貝勒杲旣薨太宗意久未決

本紀

太宗病子宗磐

稱是今主之元子合爲儲嗣阿孛宗幹稱係太祖長

子合斷原約作嗣君黏罕宗維稱於兄弟最年長功

高合當其位太宗不能與奪者累日勗受師於宋主

客員外郎范正圖通文義奏曰臣請爲籌之初太祖

約稱原謀弟兄輪足卻令太祖子孫爲君盟言猶在

耳所有太祖正室聖穆皇后親生男聖果早卒有嫡

孫喝囉

本紀作哈喇  
原作合刺

可稱按班孛極列立以爲儲見

年一十五歲矣黏罕悟室一作兀室利於幼小易制而宗

幹係伯父如已子也神麓記會左副元帥宗翰右副元

帥宗輔入朝與宗幹議曰安班貝勒虛位已久今若

不早定恐授非其人哈喇先帝嫡孫當立相與請於

太宗者再三乃從之本紀遂拜宗翰固論右李極列宗翰

傳固論作烈國論列作烈十三年正月庚午本紀熙宗即位希尹傳至

是除宗磐為忽魯李極列宗幹為固論李極列宗維

為異辣李極列遂遷勗為左丞以賞之神麓記加鎮東

軍節度使同中書門下平章事本傳宗翰沒後宗磐日

益跋扈與宗幹爭論於上前即上表求退勗奏曰陛

下富於春秋而大臣不協恐非國家之福熙宗因為

兩解宗磐愈驕恣於熙宗前持刀向宗幹都檢點蕭

仲恭呵止之既而左副元帥達蘭東京留守宗雋入

朝宗磐陰相黨與而宗雋遂為右丞相用事達蘭屬

尊功多先薦劉豫立為齊帝復倡議以河南陝西地

與宋使稱臣熙宗命羣臣議宗室大臣皆言其不可

獨宗磐宗雋助之卒以與宋其後宗磐宗雋達蘭謀

作亂宗幹希尹發其事熙宗下詔誅之宗磐傳勗預平

宗磐之難賜與甚多加儀同三司以皇叔祖冠其銜

勗皆力辭不受皇統元年撰定熙宗尊號册文上召

勗飲於便殿以玉帶賜之所撰祖宗實錄成凡三卷  
進入上焚香立受之賞賚有差制詔左丞勗平章政  
事奕職俸外別給二品親王俸廉舊制皇兄皇子爲  
親王給二品俸宗室封一字王者給三品俸勗等別  
給親王俸蓋異數也宴羣臣於五雲樓勗進酒稱謝  
帝起立宰臣進曰至尊爲臣下屢起於禮未安上曰  
朕屈已待臣下亦何害是日上及羣臣盡歡俄同監  
修國史進拜平章政事光懿皇后忌辰熙宗將出獵  
勗諫而止金史本傳後又獵於海島三日之間凡遇五虎  
親射獲之勗獻東狩射虎賦宏簡錄上悅賜以佩刀玉

帶良馬時上日與近臣酣飲或繼以夜勗上疏諫乃  
爲止酒進拜左丞相兼侍中監修如故八年奏上太  
祖實錄二十卷賜黃金八十兩銀百兩重綵五十端  
絹百疋通犀玉鉤帶各一出領行臺尙書省事召拜  
太保領三省事領行臺如故封魯國王勗剛正寡言  
海陵方用事朝臣多附之者一日大臣會議海陵後  
至勗面責之曰吾年五十餘猶不敢後爾少年強健  
乃敢如此海陵跪謝九年進拜太師封漢國王海陵  
篡立加恩大臣以收人望封秦漢國王領三省監修  
如故及宗本無罪誅勗鬚髮頓白因上表請老海陵

不許賜以玉帶優詔諭之有大事令宰臣就第商議  
入朝不拜勗稱疾篤表請愈切以本官致仕進封周  
宋國王正隆元年與宗室俱遷中都二年例降封金  
源郡王薨年五十九撰定女直郡望姓氏譜及他文  
甚眾勗能以契丹字爲詩文凡遊宴有可言者輒作  
詩以見意大定二十年詔曰太師勗諫表詩文甚有  
典則朕自卽位所未嘗見其諫表可入實錄其射虎  
賦詩文篇什可鏤板行之子宗秀金史本傳  
宗秀字實甫本名錫里庫宏簡錄作涉獵經史通契  
丹大小字善騎射與平宗磐宗雋之亂授定遠大將

軍以宗磐世襲明安授之宗弼復取河南與海陵俱

赴軍前任使金史本傳率步騎三千扼宋將於亳宿之間

宏簡錄師還爲太原尹改博索元作婆速路統軍使高麗遣

使以土物獻卻之不受入爲刑部尙書改御史中丞

授翰林學士天德初轉承旨封宿國公賜玉帶歷平

陽尹昭義軍節度使封廣平郡王正隆二年卒官年

四十二例降二品以上封爵改贈金紫光祿大夫金史

本傳

威赫原作亦作隈喝宏簡錄作康宗次室僕散氏生

美鬚髯勇健有材略從太祖伐遼取甯江州戰珠赫



店天眷二年授驃騎上將軍除德爾伯森原作迭魯茲撒兀

詳袞宏簡錄作兀詳穩遷忠順軍節度使興平軍節度使天

德二年入為大宗正丞四年拜昭德軍節度使以兄

摩羅歡原作謀良虎和勒端原作喚端哈濟穆昆餘戶并授威

赫上京路哲爾袞明安元作札里瓜猛安所屬世襲封廣平

郡王正隆二年例奪王爵改哈斯罕原作曷速館節度使

再改忠順軍節度使大定元年封宋國公為勸農使

卒官年六十五金史本傳贈龍虎衛上將軍宗義傳

果布者原作搆保昭祖族人從昭祖耀武於青嶺白山還

至古哩甸昭祖得疾寢於村舍洞無門扉乃以車輪

當門為蔽果布卧輪下為扞禦已而賊至刃交於輪

輻間果布洞腹見膏恐昭祖知之乃然薪取膏以為

炙問之以他肉對昭祖心知之遂中夜啟行金史本傳

完顏齊本名素赫原作埽合穆宗曾孫父哈布爾原作胡八曾詳

校本云曾當作魯甯州刺史大定中以族次本傳次作改依詳校本改正

充司屬司將軍金史本傳授同知復州軍州事在職廉能

初復州哈斯罕原作合廝罕地方七百餘里因圍獵禁民

樵捕齊言其地肥衍合賦民開種則公私有益上然

之為弛禁即牧民田居收利甚溥因建其地名哈斯

罕明安宏簡錄累遷刑部員外郎上諭曰本朝以來未

嘗有內族爲六部郎官者以卿廉能故授之章宗立改戶部員外郎出爲磁州刺史治以寬簡未嘗留獄屬邑武安有道士視觀字不謹吏民爲請鄰郡王師者代主之道士忿奪其利告王私置禁銅器法當徒縣令惡其爲人反坐之具獄上齊審其誣又以王有德不忍坐之間同寮無以對齊曰道士同請卽同居也當准首俱釋其罪其寬明有體皆此類也本傳作大體按如劉徽柔程輝高德裕皆不及也河北提刑司以治狀聞明昌三年始議置諸王傳頗難其選乃以齊傳

究王王將至任郡明安迎接齊峻卻之王怪問故曰

王國藩輔

本傳作三國按詳校本改

明安皆總戎職於王何利焉

卻之以遠嫌也王悅服王府家奴爲不法者輒發還本明安終更無敢犯者明年授山東東西路副統軍兼同知益都府事有惠愛郡人爲之立碑轉彰化軍節度使六年移利涉軍召見慰勞有加詔留守上京承安二年致仕卒齊明法識治體所至有聲內族中與丞相承暉並稱云金史本傳

珠嚙

原作木魯

宗室子從鄭王烏色

原作斡賽

敗高麗於海蘭

金史本傳

取雅魯城克甯江州收黃龍府珠赫店之役達

嚙嚙城之役呼岱巴岡之役皆力戰有功東京降為

本路招安副使敗遼兵破通口

原作同刮

營蘇州漢民叛

走珠嚙追復之以功為穆昆天輔四年卒年四十一

皇統中贈鎮國上將軍

金史本傳

呼實哈

原作胡石改

宗室子也從太祖攻宵江敗遼兵於

達嚙嚙城破遼主親兵皆有功遼軍來援濟州呼實

哈與其兄實古納

原作實古乃

以兵迎擊敗之還攻濟州

中流矢戰益力克其城軍中稱其勇從攻春泰州降

之并降境內諸部其不降者皆攻拔之遼主西走呼

實哈追至中京獲其宮人輜重凡八百兩有薩納嚙

原作思泥古

者復以本部叛去呼實哈以兵五百追及之

獲其親屬部人以還德州復叛呼實哈以兵五千克

其城從羅索擊敗敵兵二萬於歸化之南并降歸化

從取居庸關并燕之屬縣及其山谷諸屯伊實

原作移失

部既降復叛去呼實哈引兵追及戰敗之俘獲甚眾

澤州諸部有逃者皆追復之又敗叛人於臨潢誅其

酋而安撫其人民天眷二年遷永定軍節度使改武

定軍徙汴京留守天德三年授世襲明安卒年八十

金史本傳

宗賢本名阿嚙

宏簡錄作阿魯

宗室子

按詳校本增入

太祖伐遼從

攻甯江州臨潢府金史本傳皆力戰有功呼實太宗監國

選侍左右甚見親信臨潢復叛從宗望復取之為內

庫都提點再遷歸德軍節度使政寬簡境內大治秩

滿士民數千詣朝廷請留金史本傳改武定永定二軍百

姓皆扶老攜幼送數十里悲號而去宏簡錄始太祖命

三百戶為穆昆十穆昆為明安一如郡縣置吏之法

太宗既有中原申畫封疆分建守令熙宗遣廉察之

使循行四方循吏傳序皇統八年秉德廉察郡縣秉德士

民持盆水與鏡前拜言曰使君廉明清直類此民實

賴之秉德曰吾聞郡僚廉能如一汝等以為如何眾

對曰公勤清儉皆法則於使君耳因謂宗賢曰人謂

君善治當在甲乙果然賢使君也用是超遷兩階大

德初授世襲穆昆馳驛召之雄州父老相率張青繩

懸明鏡於公署老幼填門三日乃得去封定國公再

除忠順軍節度使賜以玉帶捕盜司執數人至府宗

賢問曰罪狀明白否對曰獄具矣宗賢閱其案謂僚

佐曰吾察此輩必冤不數日賊果得金史本傳人以爲神

明宏簡錄改海蘭原作曷懶路兵馬都總管歷廣甯尹封廣

平郡王改崇義軍節度使兼領北京宗室事正隆例

奪王爵加金紫光祿大夫改臨海軍大定初遣使召

之宗賢率諸宗室見於遼陽除同簽大宗正事封景國公致仕起為博索路兵馬都總管復致仕卒

金史本傳

喜本名額里埒

原作阿里刺

隸上京司屬司大定十年以

皇家親近收充東宮護衛轉十人長授御院通進

金史

本二十四年

本紀

從世宗幸上京會皇太子守國薨世

宗以喜親密可委特命與滕王府長史臺馳驛往護喪時章宗為金源郡王亦留中都且命喜等保護諭之曰郡王遭此家難哀哭當以禮節之飲食尤宜謹視世宗還都遷符寶郎除吏部郎中章宗即位坐與御史大夫唐括貢為壽犯夜禁奪官一階罷明昌元

年起為同知棣州防禦使事上書歷詆宰執帝以小官敢譏訕宰輔杖八十削一官罷之發還本明安明年降授同知宣德州事召授武衛軍副都指揮使四遷知大興府事轉左右宣徽使承安二年拜尙書右

丞出為泰定軍節度使移知濟南府事卒

金史本傳

卞本名鄂摩

原作吾母

上京司屬司人大定二年收充護

衛積勞授彰化軍節度副使入為都水監丞累遷中都西京路提刑使徙知歸德府河平軍節度使王汝嘉奏卞前在都水監導河有勞除北京留守俄改知大興府事時有言尙書左丞瓜爾佳衡

原作夾谷衡

在軍

不法詔刑部問狀事下大興府下輒令追攝上以為

失體杖四十久之乞致仕不許拜御史大夫先是左

司諫持嘉克們原作赤蓋高門上言御史大夫久闕憲紀不

振宜選剛正疾惡之人肅清庶務上由是用卞前時

孫鐸賈鉉俱為尙書金史本傳戶曹繁重已有相望及考

滿中州集鉉拜參知政事而鐸再任本傳賀席中戲舉青

州老柏院布衣張在詩云南隣北里牡丹開公子王

孫去不回惟有庭前老柏樹春風來似不曾來中州集

有鬱鬱意卞劾奏之鐸坐降黜本傳授同知河南府事

鐸既黜時人以詩送之曰想到洛陽春色好既而卞南隣北里牡丹開聞者大笑亦見中州集

復申前請遂以金吾衛上將軍致仕卒金史本傳

特進達蘭原作撻懶宗室子年十六事太祖未嘗去左右

珠赫原作出河店之役太祖欲親戰達蘭控其馬而止之

曰主君何為輕敵臣請效力金史本傳即挺槍前手殺七

人已而槍折復曳騎士九人下馬宏簡錄太祖壯之曰

誠得此輩數十雖萬眾不能當也及戰於達嚕噶城

遼兵一千陳於營外太祖遣達蘭往擊之達蘭衝出

敵陳大敗其眾攻臨潢府春泰州中西二京皆有功

天輔六年授穆昆天會四年從伐宋屢以功受賞明

年再舉至汴宗望聞宋人會諸路援兵於睢陽與阿

里庫原作將兵二千往拒之敗其前鋒軍三萬於杞  
縣又破三寨擒宋東京路都總管胡直孺南路都統  
制隋師元及其三將并直孺二子遂取拱州降甯陵  
復破二萬於睢陽進取亳州聞宋兵十萬且至會宗  
望益兵四千合擊大敗之其卒二千陳而立馳之不  
動卽麾軍去馬擊之盡殪擒其將石瑱而還帥府嘉  
其功賞資優渥睿宗駐兵熙州分遣諸將略地達蘭  
以軍五百人入六盤山十六寨降其官八十餘民戶  
四千馬二千匹皇統中累加銀青光祿大夫天德初  
加特進授世襲明安卒年六十五海陵遷諸陵大房

山以達蘭嘗給事太祖命作石像置睿陵前

金史本傳

崇成本名布呼

原作僕灰

泰州司屬司人昭祖元孫大定

十八年收充奉職改東宮入殿實達爾轉護衛二十  
五年章宗爲原王充本府祇候郎君明年上爲皇太  
孫復爲護衛上卽位授河間府判官以憂去職起復  
爲宿直將軍累遷武衛都指使泰和三年卒賻贈有  
加崇成謹飭有度宿衛二十餘年未嘗有過故久侍

密近云

金史本傳





